


李氏譜上卷









中華民國二十年辛未歲鑄

李氏族譜

安海太平場泉記書社活字版刷印



卷之六十一 漢書卷之六十一 漢書卷之六十一

李 為 氣 譜

中華書局二十二年辛未歲



續重修李氏族譜序

粵稽祖籍肇自臯陶官居大理因姓爲理氏焉繼利貞避難  
食木子全生遂改理爲李後昌祖公孫伯陽老聃貴陽曇公  
文彬虎公功名顯達世代替纓至於唐代高祖子孫蕃衍見  
於史冊者不可勝記迨邵陵鼻祖

祖二公自豫章遷湖南寶慶府邵陽縣梅子市車塘舖住居  
十一世以似以續森如竹立矣明末奉詔遷蜀

朝煥公率弟兄徙居安岳雲歸占鎮落業修宗廟買祀田陳祭





器報本迫遠猗歟盛哉然祀典旣修世系宜揚竊恐名號遷  
葬等事年湮無考後人責詰咎有攸歸俸乃約同弟兄子姪  
籌修譜牒以爲後世子孫之攷鑒後之視今猶今之視昔俸  
雖不能善繼於前而述往事思來者不得不續望於後矣

中華民國八年十二月安岳十八世孫公俸鍾祿識



檄東西兩塘修譜引

盛代敦孝弟以重人倫篤宗族以昭雍睦猗歟休哉何仁風  
之普播也而其道要在於立譜夫先人莫知霸王遺譏於君  
子祖德能述荒裔見許於聖人惟家乘之修明斯人倫之有  
自紀大宗小宗之支親疎各得明上治下治之義尊卑咸宜  
考譜法之大例六十年貴於一輯吾家已過其期溯宗支之  
淵源千百世皆爲同流凡族各有其脈吾宗派衍高陽支分  
大理西平王配享德宗遺廟勲猷最昭趙國公素守南昌故



都德業甚著世垂青史代挺聞人既相去之久遠又烏敢而  
依攀惟瑀公之遷湖茫簪纓熾昌勅授纍纍若若暨鼻祖以  
來寶郡版圖繁盛籍列昭昭班班此皆舊譜所傳實屬有徵  
可信且雲龍公既列玉堂青鎖素切一本之思因命鬻宮藍  
衫查明九支之冢送譜訂在明年無緣歸卽捐館幸畱江右  
世原先代可曉喜得曾祖稿本後述有徵仁祖世守郡東星  
羅碁布圖中之淵源易明義公派衍邵西珠貫絲聯世系之  
昭穆可考一本固朗若日星二支更瞭如指掌使不及時以



成劉正恐將來之難續因是攘臂奮力以故沿門就筆擔荷  
獨任經屢挫而彌堅跋涉自甘歷百折而不渝功大藉眾力  
以扛鼎捐資卽仙術之點金嘗見大廈之支非獨一木更觀  
輕裘之集須用千狐庶使大務告成將見無善不舉願吾族  
共體聖諭之諄諄則幸甚是引





Faint, illegible vertical text columns, likely bleed-through from the reverse side of the page.



續修安岳邵陵李氏家譜叙

禮云尊祖敬宗敬宗收族故歷代通攷通典靡不有譜志存焉蓋所以攷世系昭親親也我邵陵李氏舊譜自前清嘉慶間從湖南重修來迄今百有餘歲矣本族由楚入蜀散居安岳者數處皆文福文廣文魁三公之後裔派衍支分丁口浩繁代遠年湮遷徙不一若不復行續修恐老成凋謝多不明其支派且生死年月葬處山向更無可考矣前三十年先輩多慮及此主張續修爲族紳謬任督修殊因公事繁而中止



李氏族譜  
民國八年族長鍾祿公與平提倡乃選各支房長訪錄各支  
派丁口名字生死年月厝地山向鍾祿與平總其成但茲所  
修者皆插占安岳之本派因力不能普及故未旁及他支也  
稿成族紳又承任印刷數年不果今鍾祿公已歿責無容辭  
乃迭函催族紳還稿始得稿還以告厥成非敢議也不過見  
斯譜之難以誌其顛末云爾



譜序

己巳秋抄丁者至丁簿成定印新譜四冊議余一言以冠其首乃言曰吾族之在蜀者皆自康熙中來或張家林或白菓壩或高廟子紙廠溝及吾高家溝黑巖溝所居不一其地所來不一其人皆係車塘宗義公派然子繁往來稀未及百年疎者將失其疎親者將失其親矣叨祖宗之靈俾協中氏與允成伯於乾隆辛卯春送譜來川先父國泰氏與相伯爰約同志者三十五人各捐己財接譜起會以隆其祀典會名冬



至期定始祖祖二公令旦其會規倣車塘舊制越四年協中  
氏歸吾會已成每當祭祀之餘朗誦譜訓格言使士農工商  
各安其業孝友媿睦各盡其職由是世原之所自來僅得於  
傳聞間者有足徵也宗支之派別相信於疑似際者皆可攷  
也尊祖敬宗敦本睦族親者各親其親疏者不見其疏也後  
六年同志二十人復興一會名仁義歷數年而二會合一又  
數年積多金而買香田族眾之老幼皆建宗祠隆祀典或不  
能比隆於湖茫堪繼車塘懿美矣此雖協中氏賜之文旃兄



繼伊曾祖衡茅公之志纂修大譜功尤偉矣哉一人勞心千  
萬之子孫咸賴數年曲畫百世之本支可宗所謂用功在一  
時德澤及于奕禩也六十後倘欲增之而能仔其任者誰耶  
茲何幸未及大修之年任增修之責而善繼善述者有人仔  
抄丁之任而遠歷山川者亦有其人余也不敏空有其志不  
能側居譜房効擁篲之勞以勦厥美敢以雕蟲小技道其顛  
末族眾咸曰諾有是哉學俸學高等謂之爲達孝也固宜

蜀安岳十五世孫其濬文明氏敬撰







舊譜序

蓋聞王假有廟萃渙必由於君宗士庶有譜作述端賴於明德自世之不能尊祖敬宗敦本睦族致使親疏長幼宗族遠近之派視若秦越豈有他哉蓋不知修譜也故夫國有史家有乘理故然也吾族不必遠徵自始祖祖二公許氏婁由豫章豐城湖茫村發源明初洪武間適寶郡始寓梅子市生子二長宗仁次宗義許氏婁攜宗仁公居山塘舖祖二公攜宗義公居車塘舖兩房子孫延十八九世生齒繁衍亦云盛矣



但世遠年湮所慮者昭穆不明尊卑失序世次無紀親疎罔分雖奕葉流長揆諸根本淵源之地忘乎所自何幸衡茅公學富才華弱冠時慨然有志家乘數十年經營慘淡創成繕本而文旃公復爲纂修制倣歐蘇更加修飾又別爲吊圖以七世爲一幅而七世之祖祖孫孫以及昭昭穆穆纖悉罔遺當斯時也楚有川無遞至乾隆三十六年辛卯春其時公號協中氏送譜來川詳覽譜牒所載我始祖之履歷皆已細究班次皆已較正先德皆已登記其有遷徙異地者皆已具載



以及家訓格言之切實勸善懲惡之律條皆已森嚴煌煌乎  
鉅典也藏而守之遵而行之豈不美哉因於三十七年約族  
內三十五人接譜起會定期於冬月二十四日始祖慶祝班  
次行禮宴飲福酒一天聚會錢三千六百文起本按房分之  
大小編爲四排擇族之賢明以爲領袖無如人心渙散有初  
鮮終者亦有之因於五十五年改會於鎮場議老成八人經  
理會錢放借生息但乾隆四十六年千佛場族內二十一人  
興有仁義族會起會僅存錢四千六百文遞五十七年先父




李氏族譜  
與叔祖文明氏對眾言曰吾族會雖兩處人係一公之子孫也欲買香田修宗廟蓋合會焉會眾樂從因改仁義會爲冬至會於五十八年買店房二座以作祠堂基地嘉慶八年買場後唐姓業二契至十年復買李姓小屋基一契其中管理之勞心營謀之辛苦我等非專爲金銀田產而設抑將以萃李姓於一堂序昭序穆祀祖宗於百代報德報功此予對越先祖之心矢志靡他之意也特以蜀地岳邑人衍星散發延盈昌己上名者班班可考禾上譜者茫茫無徵今何幸學嵩



叔姪抱步月凌雲之才懷仁人孝子之心來川抄丁車塘之  
遺派李氏之支分勢必有以條分縷晰纂修明備也予愧才  
疎學淺言不雅馴特書俚言以垂後世願我宗支綿綿瓜瓞  
歷千百世於不替焉可也是序

嘉慶十四年中秋日十七世孫秉耀鳳翥氏沐手敬撰





漢朝十四學中林日十出所經集歐以泰力水牛...

照千日世抵不替...

通學政育不錄... 宗天...

管系李肉之支公... 即...

新教時亦以... 下...



附雲龍公先年訪宗啟

丙辰進士吏部文選司前翰林

院庶吉士加一級雲龍拜啟

蓋聞積厚流光 祖宗之功德具在源長慶遠雲祏之敦叙

維隆故百世歸於本支而蟠根溯夫仙李自非搜羅曷臻纂

輯况我 祖隴西分派各郡衍支其間世澤綿延文武忠孝

著之國冊書之家乘代不乏人瓜瓞繁浩不無遷播若秦若

楚若吳若燕或宦寄或遊寓種種難悉然道里雖遼情同一



李氏族譜  
體龍上仰 祖靈下叨 族庇濫於史館獲遺緒於將來廁  
職銓衡遇同人於京邸因道顛末無不踴躍以龍爲宗子誼  
不容辭受命之日卽將原本弔圖及後來傳聞遷播地方逐  
一閱載仍著族中知識老成遍行察訪逢宗問字逢今問昔  
務雖考核精嚴不致餘分閏位凡係孫子統希 注存



世原  
錄舊籍

族以氏別支以世分族之基布於天下也猶水之經行乎地  
中觀水者不歷黃河澄星宿不知其源之遠不涉大陸溯逆  
河不知其流之長然則於族而不考其氏之所由別支之所  
由分亦烏知其祖澤之遠世派之長哉源流之考不容已矣  
故溯乎其源有以知發祥之所自起雖遠而不忘也循乎其  
流有以知遺澤之所未艾雖繁而不可亂也貽孫謀繩祖武  
俱於是乎徵之



作世原考

李氏出自嬴姓高陽氏生大業大業生女華女華生皐陶字  
廷堅爲堯大理生益益生思成歷虞夏商世爲大理以官命  
姓爲理氏至紂之時徽字德靈爲翼隸中吳伯以直道不容  
於紂得罪而死其妻陳國契和氏與子利貞逃難於伊侯之  
墟食木子得全遂改理爲李氏利貞亦娶契和氏女生昌祖  
爲陳大夫家於苦縣生彤德彤德曾孫碩宗周康王賜采邑  
於苦縣五世孫乾字元果爲周上御史大夫娶益壽氏女嬰



敷生耳字伯陽諡曰聃周平王時爲柱下史子李宗字尊祖  
仕於魏封於段爲干木大夫段干木亦其後也宗生同爲趙  
大將軍同生兌爲趙相國兌生躋爲趙陽安君躋子二曰雲  
曰恪恪生洪字道弘爲秦太子太傅洪生興興生族名旺字  
育神爲秦將軍興族生曇字貴遠爲趙相柏人地名武安君牧  
亦其後也後入秦爲御史大夫以功封於柏人葬柏人西曇  
生四子崇辨昭義崇字伯祐建功北狄封南郡公崇生瑤字  
禹德爲南郡守狄道侯瑤生信字有成爲秦大將軍封隴西



侯虜燕太子丹信生超一名伉字仁高爲漢大將軍漁陽太守超生二子長元曠爲漢侍中郎次仲翔爲河東征西將軍討叛羌於素昌一名狄道戰歿贈太尉葬隴西狄道東川因家焉史記李將軍傳云其先自槐里徙居成紀實自此始也仲翔生伯考爲隴西河東二郡太守伯考生尙爲成紀令因家焉尙生廣歷文景武三帝爲前將軍立功沙漠廣生三子長當戶次椒次敢當戶子曰陵爲大將軍以三千<sup>兵</sup>橫行匈奴中轉鬪數百里以兵食盡降匈奴封爲左賢王後歸魏賜姓



丙北魏拓拔祖之敢字幼卿歷侍中郎賜爵關內侯食邑二  
百戶敢生禹字子通爲侍中郎事載漢史次忠頓邱須血始  
祖禹生丞公爲河南太守丞公生先字敬宗爲蜀魏太守先  
生長宗字伯禮爲漁陽郡丞長宗生君况字叔平一字子期  
爲博士議郎大中大夫君况生本字上明以孝廉爲吏部郎  
中侍御史上明生次公字仲君爲巴郡太守西夷校尉次公  
生軌字文範一字逸文魏臨淮太守司農卿軌生隆字彥緒  
由長安令爲積弩將軍隆生艾字世績爲晉驍騎將軍魏郡



太守艾生雍字俊熙仕魏歷尚書郎濟北東莞太守雍生柔  
字德遠仕齊舉秀才爲相國從事中郎北地太守柔子弇字  
秀子高亮果毅有智局晉末大亂與從弟卓居相國晉王保  
下卓居相國從事中郎保政刑不修卓率宗族奔於張寶弇  
亦隨焉因仕於張氏爲驍騎左監弇本名良妻梁氏張駿謂  
弇曰卿名良妻又姓梁令子姪何以爲諱昔耿弇以弱年立  
功啟中興之隆吾方賴卿有同耿氏乃賜名弇歷天水郡太  
守衛將軍封安西亭侯贈武衛將軍建中初追諡景公弇子



昺字伯堅幼有名譽建中初追諡簡公昺子嵩字玄盛小字  
長生爲西涼武昭王興聖皇帝生子十譚歆讓恂恂翻豫宏  
暉亮嵩子歆字士業西涼後主生八子勛紹重耳弘之崇明  
崇度崇庸崇祐歆子重耳字景順以國亡奔宋爲汝南太守  
後魏克豫州以地歸之拜弘農太守贈安南將軍豫州刺史  
重耳生子熙字孟良後魏金門鎮將軍以孟良鎮武川爲都  
督終於位遂家焉追諡獻宗宣皇帝熙子天錫字德貞仕魏  
爲幢主大總統追贈司空諡懿祖光皇帝生三子起頭虎乞



豆天錫子虎字文彬西魏時官至太尉與李弼等八人佐周  
伐魏有功皆爲柱國時號八柱國加大將軍周閔帝受禪虎  
已卒追錄元功封唐國公諡曰襄武德元年追諡景帝生八  
子延伯真昺延伯封高陽公昺襲封唐公岡封蔡王周封財  
州總管三州刺史真封襄武縣公璋封畢王仕周爲梁州刺史  
繪封雍王隋江夏總管緯封嗣王隋上儀同三司亮隋趙典  
太守長社郡公虎子昺爲隋州總管柱國大將軍襲封唐公  
卒諡仁公生四子淵澄湛洪澄封梁王湛封蜀王洪封漢王



領將軍昺子淵爲唐高祖神堯大聖大光孝皇帝在位九年  
壽七十一子二十二分十五房長建成隱太子世民霸封  
衛王元吉封曹王智雲封楚王元景封荆王元品封漢王元  
亨封鄴王元方封周王元禮封徐王元嘉封韓王元則封彭  
王元懿封鄭王元軌封藿王元鳳封虢王元渡封道王元裕  
封鄧王元名封舒王靈夔封魯王元祥封江王元曉封密王  
元嬰封滕王世民字爲善初封秦王爲唐太宗文武大聖大  
廣孝皇帝在位二十三年壽五十三歲生子十四人長高宗



天皇大聖大弘孝皇帝實太宗第九子初封晉王在位二十  
四年壽五十六歲生八子長承乾封恆山愍王寬封楚王恪  
封吳王貞觀時爲齊州都督秦封濮王爲揚州大都督雍州  
牧左武侯大將軍祐庶人愔封蜀王惲封將王拜安都督賜  
實封千戶贈司空眞封越王善騎射涉文史有幹爲宗室才  
王慎封紀王貞觀中廷襄州刺史以治嘗勗天子璽書勞人  
爲立石頌德遷太子太師貝州刺史慎之子七人囂封江王  
簡封代王福封趙王明本派下明封曹王生三子俊傑備傑



武后時誅死傑子胤襲曹王胤子職襲曹王嗣爲左衛率府  
中郎將職生皐字子蘭少補左司禦兵曹參軍襲曹王贈尚  
書左僕射諡曰成王年六十歲生二子本欽本道右進士司  
門郎少宗正兼御史中丞節鎮黔中觀節度使皐子欽爲左  
金吾大將軍隴西節度使贈太子太保配王氏贈代國夫人  
欽子晟字良器隴西臨潭縣人生唐開元十五年丁卯五月  
初一日爲神策將軍加鳳翔隴西節度使行營副元帥上桂  
國合州郡改封西平王食祿千五百戶賜京兆萬年縣永崇



里第涇陽土田延年門園林女樂八人御賜記功碑皇太子

親書石東渭礪詔封先世立五廟圖像凌煙閣御製像讚薨

於貞元九年八月初四日壽六十七歲贈太師諡忠武王本

年十二月葬陝西西安府高陵縣奉正元妃贈鄭國夫人杜

氏附焉元和四年詔編附屬玉牒配享德宗廟生子十五人

侗侑偕俱不壽怱應恩愿詔命丞嫡檢校司空兼河尹充河

中節度使贈司徒總太子中充贈兵郎中聰光祿寺主簿孫

左神武大將軍憲本派下愨太子詹事左僕射同中書門下



平章事特進士上柱國少保涼國懿渭南縣尹廳檢校兵部

尚書北京留守武寧軍節度使太子太師楊國公惠祕書省

校書右武林將軍愨嵐州刺史奉訓大夫憲字章武校檢散

騎常侍兼太府卿江西觀察使遷嶺南節度使行十生寶歷

壬寅薨太和己酉嶺南官所歸葬分宣化全鄉十二都紅花

園初娶張茂宗女係德宗外甥女再娶苻氏司馬氏同葬栗

山子七人長游本派渙建昌通判錯陽朔主簿楷東蒙縣丞

植瑞州知州欲繩衛少卿游字觀業寓袁州封宜春郡侯遂



家焉娶萬載宋氏公德政治民郡人立廟祀於哀州南門葬  
分宜九都加田里子三服廬陵分宜等派丕安福吉水新全  
瑞州等派蟾本派崇一名蟾字季德戶名叔宗籍河南開封  
府開封縣今改祥符新里鄉小邊邨後曾孫冕任通州知縣  
考滿附銓曹舊牒譜載父子同榜進士初任徐州知州益州  
孔目景福二年考校試徐州荊州刺史乾寧元年磨勘調除  
豫章刺史此考唐書相當也公有功社稷以宗室華胄封趙  
國公娶夫人趙氏於豫章因家焉乾寧三年公薨夫人亦卒



乾寧四年奉旨合葬本省新建縣至德觀生采之陽其地東  
止港中之流西至梅員岡南北車埠北至汝地湖翁仲石獸  
歲久爲墳鄰唐欽等棄毀包占弘治癸丑目休齊延公任廣  
西副憲歸率族冢愬於按察司委新建縣勘明追究改正率  
族眾掃掛祭其墳曰維弘治癸丑二月丙申朔越祭日戊戌  
遠孫延率族冢宗旭等謹以牲醴之禮敢昭於遠祖豫章刺  
史趙國公暨夫人趙氏之墓曰惟昔顯祖作鎮此邦開我後  
人載祀久遠封塋所寄奉守弗虔他人有之莫能伸理茲已



李氏加言  
慚忿籲於憲師鄉評亦公遂復其舊伐石崇土俾後弗迷所  
願宗盟共加嚴護神靈安止慶餘下流凡在雲祢畢沾福蔭  
式陳展掃悲悼增深卽事初敢謝其譴精靈爽如在尙其鑒  
之 崇子蓬蓬子勝遷臨川縣橋上勝子訢訢子孜孜子三  
熙本派從居湖茫貴派楚閩未詳熙子伯雍生卒未詳附葬  
生米子六琳字行未詳居本邑璿瑄俱居新建縣之西山桃  
花等地璉居長寧鄉璫居大順鄉瑀居湖茫本派



蓋聞皇天無親惟德是輔祖宗有眼爲善其昌修德則人興  
財發綿延勿替敗德則覆宗絕嗣湮沒不彰此乃自然之理  
定而不移者也想我族前輩自廣填川插佔雲歸千市流落  
星散不知 始祖之淵源至 乾隆三十六年辛卯春其時

公號協中氏送譜至此詳覽譜牒方能知其履歷因於三十  
七年爰約族內三十五人起會聚錢三千六百文起本放借  
生息四十六年千佛場二十一人興設仁義會聚錢四千六  
百文遞五十七年兩處合會改仁義爲冬至會迨 嘉慶八



年先後買業建祠可謂盡美盡善也不幸於  
道光三年族  
眾不睦以五十四人分爲兩會各佔二十七人無論親疎祇  
要相宜一名冬至一名仁義並立分管爲據惜乎冬至會不  
多年將小屋基田土房屋一半概行掃賣於嚴姓去訖僅存  
祠堂正殿半節並場後田土一半嗣後冬至會又分爲三股  
各佔九名至 道光二十八年惟學翼學新之九名祠房田  
產盡行敷與仁義會子孫永不佔祠悲乎創業非容易守業  
豈不難乎至此煙祀絕滅何其悽歟何其慘歟但前車既覆



後車當戒竊思仁義先父斗君公紹吉兄理管會萃李姓於一

堂序昭序穆祀

祖宗於百世報德報功倘後世有貪婪之

徒覬覦會資欲想瓜分錢谷妄生異議查出將起會祖名剝  
除子孫逐出會外永不許入祠倘有不遵依勢逞強橫行霸  
道族眾捆綁解送稟官處治決不姑寬余今老矣不能用也  
但願 先祖陰靈降生肖子賢孫馨香百代萬古不朽云

民國十二年癸亥歲十八世孫公俸敬撰



一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...





仁義冬至二會所佔祠前祀業碑序

嘗聞盛衰之理雖曰天命豈非人事哉想我族前輩起會台則置業建祠分則破產失落此乃人事之變遷皆由於人心之善不善耳蓋祠前之祀業分時原各佔一半合同招佃收租各立佃領以昭雍睦嗟乎冬至會未多年所賣釘板田一塊嗣後冬至會人不睦又將二十七人分作三股每股各佔九名惟學翼學新秉魁秉健等負債無償於道光十八年請憑族親甘將祠堂田土房屋器物等項概行付與仁義會



首學祥稹秉櫟磨秉斗科等二十七人名下招佃管業永無異言由此

比較祠業譬如六股仁義會所佔四股有餘冬至會所佔兩

股不足而仁義會之人念冬至會之人乃是一脈未曾較量

多寡以重親親之誼但冬至會之人未體先祖之德意迭加

佃租菲薄煙祀至今亦然於是仁義會之人猶恐世遠年湮

老成凋謝不知始終事由妄生異議彼此較量以起爭端使

骨肉相殘貽笑於他人也故刊碑垂後俾子子孫孫觀今鑒

古敦宗睦族永遠勿替矣




民國十二年癸亥歲十九世孫良政敬撰

續述四川安岳鎮子市李氏源流

嘗聞爲木有本爲族有宗固其本而枝葉未有不榮者也敬其宗而嗣裔未有不昌者也然固本敬宗而實在於收族此譜之所不得不修也祥常覽湖南舊譜雲龍家乘昭穆世

序歷歷可考至明末時朝燦公煥公餞公等自楚徙

川迄今十數世子孫繁衍嗣廣博如不續祀載乘後世湮沒





李氏族譜

何從查考祥稟承族長並集合族籌商叔祖鍾祿公曰國有

史家有乘理固然也若不及時續修代遠年湮無由徵驗乃

祥查 燦煥饑三支之遺傳各支之分派各派之里居逐一

紀閱一寒暑而後成謹為記其始末弁之簡端俾後之續修

者覽焉

中華民國十二年正月二十世孫啟祥號吉安甫識

九四十三平樂文獻十八世孫啟祥



編排引

族之有班行也如四時之序先後相承昭穆之分卽定於此我族班行東西兩塘四世以下各爲別議今會同更定不得紊亂並附出嗣族班使知尊卑至二十五世以後復立新班以次遞及所以昭世澤之綿遠而無窮也志編排

山塘班次

祖宗元才仲景志萬邦永文昌茂盛光世秉公良啟佑宏心

德



車塘班次

祖宗元必文仲思祖廷福朝才子允其學秉公良啟佑宏懋

德 克紹兆昌應聯興定有光


按自光緒十六年湖南李良思負譜來川照譜錄就前十

四代悉照車塘班次中間十代並新增十班均係湖茫譜

議求宜遵行挨次遞及不得紊亂

新增班次

父讓詩書澤業延國恩家瑞慶長綿自修煥發齊備美甲第





輝傳奕代賢

甘棠三塘冲班次

宗仁公第六世孫志榮後

祖宗元才仲景志公本春繼宗清泰明安秉忠良啟佑宏懋

德

元山村班次

車塘三世相元貴公第四子必茂公五子文鑑出嗣陳姓後復本宗班次別議

祖宗元必陳仲本宗思廷仁文泰興世德秉公良啟佑宏懋

昭

卷一百一十五

二



部

國朝... 忠... 文... 興... 公... 日... 公...

示山林...

示山林... 公...

部

國朝... 忠... 文... 興... 公... 日... 公...

甘... 三... 公...

甘... 公...

職... 公...





續修志名

纂輯主修

纂輯

校閱

監修校字

公俸字鍾祿

佑平字太初

啟權字蔭濃

良玫字瑞卿

啟唐字虞卿

良琮字國卿

啟祥字吉安





訪集

良斗字全安

良沛字勃然

良寶字國璋

啟函字治平


宏博字廣之

公隆字洪興

良肇

良直

總理協修





良賢字香廷

良耀字虎臣

良鑫字岸登


良質字敬廷

啟雪

啟賢字兩成

啟榮

啟維









增修安岳邵陵李氏家譜弁言

國有史家有乘固矣歷代通攷備載譜志歐蘇二公詳列圖  
系自世族大家皆以譜牒爲重者蓋所以攷世系別親疎尊  
祖敬宗敦本睦族之道也我邵陵李氏原有湖茫大譜因始  
祖二公派衍寶邵東西兩塘簪纓世代子孫蕃衍於嘉慶庚  
午續修東西兩塘李氏宗譜凡徙川者悉載之今百有餘歲  
矣代遠年湮支分派別生齒日繁播遷不一賢愚不等親者  
疎而往來稀其生娶卒葬之年月山向不無失遺子孫支派



之遷移宅所何以悉知使不復行增修一旦老成凋謝宗派  
莫分尊卑失序甚有爲項籍之譏而相視爲秦越者也前三  
十年曾祖紹公有鑑於此倡言修譜本族諸生自任主修僅  
一啟而罷未幾紹公及族中老成相繼卒族曾祖俸公與平  
承先人之意着族內能書者遍訪本派之散居安岳及貿遷  
資中者悉登記之俸公與平攝其成纂輯繕本稿成諸生復  
謬任督刷不果今俸公又逝譜未排印平責無旁貸乃迭函  
催諸生還我繕本復命堂弟詣諸生家直取譜稿歸還以商



族人請速付梓告厥成功以符眾望事竣非敢叙也聊志斯  
譜之顛末云爾

民國十九年庚午冬至日

吉旦

安岳二十二世孫佑平太初氏敬題





修譜凡例

一譜所以承先啟後之嗣繼之禮也立親立賢立愛必擇本族班行之相等者不可尊卑倒置更不得嗣異姓子弟如婿甥內姪繼祀之類實爲亂宗例應不載本族班行等矣既係嗣子須載名嗣父之下永遠爲派仍於本生父下註某子出爲某派以不忘所自也其有出撫異姓者實爲失宗願歸宗者例應收八抑有出撫代遠不願歸宗固無如何須於出撫之祖名下註某公子撫出某姓以別之以防異日同宗爲婚



之於至於已故無子未嘗立嗣伊兄弟又無子則祖考之嗣  
至其身已焉應於本名下書止字若兄弟有子而本人獨無  
則書無出二字以其祖考尚有嗣也

一繼嗣者原以承祀也若止知得其家產不修其祀事不省  
其塋墓甚或挈嗣父貲產而私其本生則是以爲奇貨而利  
之皆非繼嗣之本義爲嗣子者慎勿蹈此

一譜中前代公婆考妣或書葬某處或不書葬某處非闕文  
也以彼之子孫不能報知也或未書名字者亦以不能全知



而暫爲序次也亦或其中不無遺落不無錯訛彼之親生子  
孫尙不能悉知余亦大概爲之編次以俟後之通明有識殘  
缺者補之失次者序之續成全美覽者幸無罪予而諒予心  
可也

一系中有略綴數言于名下者無總傳也卽一德一行不敢  
湮沒至於輓章誌銘出名手者則八贈言

一前人詩詞文藝所以見性情抒學術也不以富麗爲工若  
有關於世道人心可以垂訓者宜錄之以爲家璣



一族中無分前輩後輩或有一善可稱一得可取必於本名之下贊揚數句不沒其生平行誼而實述之使善者觀之益欣喜於善而不善者觀之庶知所做戒也

一譜中有失傳無徵者倣夏五郭公之例姑以無傳附誌不敢臆添庶免冒祖之咎

一族中能識文墨者人人宜遍覽譜牒俾知某公自某朝由某處遷某處爲某處人庶免項籍之貽譏而有剡子之美譽一人各有志或八虛無之學或效黃廷之術隨其所願須於



李氏族譜  
三十  
所出父名下註明某子出爲某處仙釋抑或本支中無人承  
祧有志歸宗者例應收八

一族冢貧富貴賤不齊勢使然也富貴固宜以自持貧賤亦  
貴有所守子弟不能讀書農工商賈皆爲正業斷不可失身  
於隸卒行伍之間以壞心術以傷元氣吾族倘有不遵家訓  
故爲此者卽驅逐之無俾異種敗我族類

一生娶卒葬山向有書不書非敢以此爲褒貶也單供不載  
欲書亦無由書至書故不書卒者明其非正命也



增修家譜凡例

一宗譜六十年一修通例也我族自嘉慶庚午續修東西兩塘宗譜迄今百有二十年矣因前倡修數次未成茲舉事過急草率成編錯簡恐多後有賢明續輯宜慎以舉事毋蹈故轍序失次補殘缺任其因革損益斟酌盡善方是完璧

一 是譜由本族一仁義會捐資不在會者未與其事會內代鮮賢能吝財畏難不以修譜爲重平家貧位卑一木焉支



大慶故僅修我車塘派遷蜀之安岳者卽未在會亦修載  
之其他城都叙府隆昌威遠雖有本派力不能普及以待  
後之明達才能賢且有力者補偏救弊覽者幸勿罪我而  
爲我諒焉


一舊譜已修至十七世秉字班是譜僅修 文福公派朝巨

公系 文廣公派朝饒公系 文魁公派朝煥朝燦朝寶

公系餘未旁及蓋來川始祖係才字班故生配卒葬年月  
山向復從朝字班起不忘所自也



一本族派衍以來至今二十四班次世代遞及已經完畢厥  
後班次應遵照湖南車塘譜議新增十班顏曰克紹兆昌  
應聯興定有光挨次遞及不得紊亂





務本說

余弱冠時熟聞先君子曰愛土物則心臧勤典籍則用致爾曹衣食之源遠大之業非此不爲功彼時不諳亦習而忘之矣洎壯遨遊四方多所閱歷見夫世態炎涼人情冷煖動以詐諛相陷求所謂不設機穽不逞豪悍不弄蠱唆不行侵剝卒鮮其人者何哉蓋其父若兄不能俾子弟輩各安常業以致之耳古聖王欲民之厚生而復性則必爲之剝田里立學校而後國本安治家者何獨不然且子弟之流弊亦不一



矣明敏者或失則蕩而不靜愚魯者或失則樸而不文不習  
之稼穡無以勤其力也不澤之詩書無以宅其心也迴憶  
先大人諄諄爲誨者誠得其本計也是安可不務乎後之子  
若孫兄勉其弟弟勸其兄各因資之近以崇於本業少而習  
焉不見異而遷焉庶幾氣質化其偏倚德性歸於中和不如  
詐譖相陷者流則幸甚戒之哉勉之哉後之人其由是無廢  
乃祖考之彝訓也可


嘉慶十五年歲次庚午小滿後五日



十六世孫學俸省齋氏敬撰

衡茅公勸善說

嘗聞積善之家必有餘慶積不善之家必有餘殃世間富貴  
貧賤未有不關乎積善不積善也不觀乎于公陰德大興駟  
馬之門楊氏清潔四世三公之位以至王公之三槐手植謝  
門之庭前玉樹豈偶然哉非夙世之積善不至此也如予七  
世祖諱福公者建立冲頭積善有素子孫中雖無尊貴顯榮  
亦實溫飽世代故後嗣繁衍業儒小就亦何莫非公之餘所





蔭也世之人欲求子孫之功名富貴徒從事於智術奔走於利路夫智術利路豈所以獲功名富貴哉自予論之非夙世之積善不能也世之人何憚而不爲此

附衡茅公工課弁言

余渺聞寡見智識偏淺者也與諸英俊同事硯席較理誦讀且深懼焉而敢友接佳流爲觀摩型範之表固知蚊翼力不能以負山牛涔水不足濟海亦明矣雖然旣蒙妄推謬膺敢不策蹇步而斲前磨鉛刀以試割與諸英俊敦敏勿怠勇往



精進佩服乎道德涵養乎學問久之積蓄厚而發越遠小則  
遊泮食餼大則釋褐登鼎吐氣揚眉光前裕後事業著於天  
下聲名流於無窮非幸也宜也其或優游歲月浪度時日內  
不遵父兄之教外不遵師友之訓有讀書之名無讀書之實  
卒之一事無成鄉黨之所不齒半行未著聖賢之所必惡人  
品於是乎趨下智識於是鄙陋非不幸也亦宜也此二者孰  
得孰失何去何從不待智者而能辨也况事在人爲有志者  
不竟成乎不觀乎季子持錐而揣摩精董生下帷而大道明



腰龜反國非勤學所致者乎駟馬高車非奮中得來者乎諸  
英俊苟能效法古人不以庸眾自待而以豪傑自許則苦志  
青燈潛心黃卷朝兢焉而夕惕焉循序漸進自是力必扛鼎  
氣必食牛胸中吞雲夢八九眼內羅氣象萬千則天荒不難  
破矣諸英俊何憚而不爲此哉狂言亂發各宜自勉茲立工  
課於右臚列用工程規於左

家訓

夫譜籍自晉魏以來至唐最尚門閥故以譜牒爲重矣大抵



出於世族大家奕葉繁盛若三家邨煢煢寥寥又奚與焉所以然者蓋以門戶廣而人丁眾孝弟忠信幾人哉上而祖考不知所尊崇也下而千萬子孫之身並不念其初爲一人之身也故置譜訓以約束之使觸目警心尊祖敬宗敦睦族之思庶有所觀感而家修戶勸或存什一於千百云耳

族約規條詳列湖茫大譜謹摘要欸爲格言二十餘箴蘄族人顧名思義勉勵而遵守之庶不負吾等惓惓修譜苦心可

耳



格言目錄

敦孝弟

主忠信

崇禮義

尚廉耻

睦宗族

重婚姻

謹教育

肅閨門

慎喪葬

凜祭祀

勤耕織

務節儉

積陰德

守謙讓

息爭訟

禁誣害

恤孤寡

嚴婢僕

立祠宇

備祭器

修墳山

培屋基

重譜牒

完國賦

解仇忿

講法律







家訓格言釋義小序

父兄之教不先子弟之術不謹故人之樂有賢父兄者懇懇  
爲子弟言其所以修己治人之術也然則閑家者家訓蓋可  
少乎哉先曾祖衡茅府君修明譜牒使人知親疎遠近之別  
尊卑長幼之分又恐族姓旣繁賢否各別因摘取湖茫譜中  
要規爲格言二十餘箴俾人誦其言而知其義咸勉勵而遵  
守之庶賢否其一致矣此衡茅公之用心爲良苦也 華不敏  
竊任續輯家譜病格言之撮要而過簡讀之者僅口耳而過



而顧名思義者鮮故僅按其義而釋之噫華生也晚壹不知

湖茫譜訓爲何若也間嘗取諸先儒之所以垂訓立教者或述其詞或竊其意或亦時出己見務以中吾族之弊俗者指陳以爲懲創抑量吾族可企及者詳錄以爲勸勉雖與湖茫譜訓縱不敢必其有悖與否要與衡茅公立言苦心則多所發明焉蘄族之覽之者共諒愚衷不徒視爲具文厭其繁而棄之當思有裨身心樂其詳而遵之時而有所警時而有所悔時而欲踴躍而奮興則於所以修身齊家與人接物之間



其術無不謹矣斯華之厚望抑亦族之所深幸也衡茅公庶  
其掀髯於在天乎至末四條舊譜未有華為增八疑於僭妄  
所集先儒之言未及標名取其誦說不碍語氣非敢掠美而  
没人善也知我罪我有所不暇計耳卽以華為涼德人也所  
釋雖善為足信從華以為不以人廢言也可

時

乾隆十年歲次己丑仲冬月冬至前十日

十五世孫寶夫其華文旃氏謹識於箕山藏息處







家傳

傳者何傳也傳視乎其人其人可傳則傳之非誇耀前美也  
簪纓廊廟之士固垂青史空山白屋之間不無碩德第慮有  
善弗知未有知之弗傳吾譜列家傳紀實德以昭來茲俾觀  
感而興起

始祖祖二公初守江村繼遷車塘固知卓犖不羣暨今東西  
兩支繁衍昌熾非公饒有厚德安能若是

二世祖宗義公始祖次子徙居車塘派衍西支子姓名列仕



籍簪纓天庭者雖不如湖茫而子衿處士厚德宿儒以及耆  
碩鄉賓殷富長者代多接踵雖云吉地鍾靈實由祖德所致  
三世祖元貴公盛德難以悉稽卽公猷謀論之令長子必賢  
公居菌裏村次必玉公居裏橋村三必政公居裏了塘村四  
必茂公居郡東葡萄冲村開四大房於我族非公積壘仁子  
孫保之能若斯

四世祖必賢公棠棣輝映繼父志振家聲友愛甚篤終身怡  
怡塗閱牆之隙



鄉賓公諱文福必賢公長子舉鄉飲賓給冠帶爲明處士嘉  
靖中副臬朱方有事武岡經車塘聞公齒德俱尊物色之舉  
鄉飲賓六子亦皆鑠鑠者央各予壽官給冠帶由是郡守請  
公爲鄉飲賓者三每赴飲祖孫父子十餘人人望之爲奇瑞  
三子仲淮公壽九十七六子仲六公壽九十六餘皆八十餘  
公壽幾於期頤咸稱人瑞集於一家

壽官公諱仲淮鄉賓公三子爲明處士具碩德有品望爲郡  
太守知名嘗情債佐鄉飲賓舉公孝廉不赴樂林泉以終天年



享壽九十七兆羅公廟青烏家謂必穴泉中棺下而泉別  
出亦人世所希

思益公壽官公長子享年未五十先壽官公卒才德兼優和  
平無嫉忌得羅公廟佳城皆公之力

富祖公思益公長子豪俠好施遇羈旅有困乏者卽解囊酌  
其遠近而周之數百里外高其義寄聲圖報焉

鳳山公諱鳳祖思益公三子公少孤矢志振拔事祖壽官公  
色養備至喪葬如禮兄樓祖公早遊遺孤廷珍公撫之如己



五  
出僭侄孫輩分甘給食無德色通緩急不索息享壽八十有









太上感應篇

太上曰禍福無門惟人自召善惡之報如影隨形是以天地有司過之神依人所犯輕重以奪人算算減則貧耗多逢憂患人皆惡之刑禍隨之吉慶避之惡星災之算盡則死又有三臺北斗神君在人頭上錄人罪惡奪其紀算又有三尸神在人身中每到庚申日輒上詣天曹言人罪過月晦之日灶神亦然凡人有過大則奪紀小則奪算其過大小有數百事欲求長生者先須避之是道則進非道則退不履邪徑不欺



暗室積德累功慈心於物忠孝友悌正己化人矜孤恤寡敬  
老懷幼昆蟲草木猶不可傷宜憫人之凶樂人之善濟人之  
急救人之危見人之得如己之得見人之失如己之失不彰  
人短不銜己長遏惡揚善推多取少受辱不怨受寵若驚施  
恩不求報與人不追悔所謂善人人皆敬之天道佑之福祿  
隨之豕邪遠之神靈衛之所作必成神仙可冀欲求天仙者  
當立一千三百善欲求地仙者當立三百善苟或非義而動  
背理而行以惡爲能忍作殘害陰賊良善暗晦君親慢其先



生叛其所事誑諸無識謗諸同學虛誣詐僞攻訐宗親剛強  
不仁很戾自用是非不當向背乖宜虐下取功諂上希旨受  
恩不感念怨不休輕箠天民擾亂國政賞及非義刑及無辜  
殺人取財傾人取位誅降戮服貶正排賢凌孤逼寡棄法受  
賂以直爲曲以曲爲直入輕爲重見殺加怒知過不改知善  
不爲自罪引他壅塞方術訕謗聖賢侵凌道德射飛逐走發  
蟄驚棲填穴覆窠傷胎破卵願人有失毀人成人危人自安  
減人自益以惡易好以私廢公竊人之能蔽人之善刑人之



醜訐人之私耗人貨財離人骨肉侵人所愛助人爲非逞志  
作威辱人求勝敗人苗稼破人婚姻苟富而驕苟免無耻認  
恩推過嫁禍賣惡沽買虛譽包貯險心挫人所長護己所短  
乘威迫脅縱暴殺傷無故剪裁非禮烹宰散棄五穀勞擾眾  
生破人之家取其財寶決水放火以害民居紊亂規模以敗  
人功損人器物以窮人用見他榮貴願他流貶見他富有願  
他破散見他色美起心私之負他貨財願他身死千求不遂  
便生咒恨見他失便便說他過見他體相不具而笑之見他



才能可稱而抑之埋蠱厭人用藥殺樹恚怒師傅抵觸父兄  
強取強求好侵好奪擄掠致富巧詐求遷賞罰不平逸樂過  
節苛虐其下恐嚇於他怨天尤人訶風罵雨鬪合爭訟妄逐  
朋黨用妻妾語違父母訓得新忘故口是心非貪冒於財欺  
罔其上造作惡語讒毀平人毀人稱直罵神稱正棄順效逆  
背親向疎指天地以證鄙懷引神明而鑒猥事施與後悔假  
借不還分外營求力上施設淫慾過度心毒貌慈穢食饒人  
左道惑眾短尺狹度輕秤小升以偽雜真採取姦利壓良爲



賤謾驀愚人貧婪無厭咒詛求直嗜酒悖亂骨肉忿爭男不  
忠良女不柔順不和其室不敬其夫每好矜誇常行妒忌無  
行於妻子失禮於舅姑輕慢先靈違逆上命作爲無益懷挾  
外心自咒咒他偏憎偏愛越井越竈跳食跳人損子墮胎行  
多隱僻晦臘歌舞朔旦號怒對北涕唾及溺對竈吟咏及哭  
又以竈火燒香穢柴作食夜起裸露八節行刑唾流星指虹  
霓輒指三光冬視日月春月燎獵對北惡罵無故殺龜打蛇  
如是等罪司命隨其輕重奪其紀算算盡則死死有餘責乃




殃及子孫又諸橫取人財者乃計其妻子家口以當之漸至  
死喪若不死喪則有水火盜賊遺亡器物疾病口舌諸事以  
當妄取之直又枉殺人者是易刀兵而相殺也取非義之財  
者譬如漏脯救饑鴆酒止渴非不暫飽死亦隨之夫心起於  
善善雖未爲而吉神已隨之或心起於惡惡雖未爲而凶神  
已隨之其有曾行惡事後自改悔諸惡莫作眾善奉行久久必護  
吉慶所謂轉禍爲福也故吉人語善視善行善一日有三善  
三年天必降之福凶人語惡視惡行惡一日有三惡三年天



必降之禍胡不勉而行之

文昌帝君陰騭文

帝君曰吾一十七世爲士大夫身未嘗虐民酷吏救人之難  
濟人之急憫人之孤容人之過廣行陰騭上格蒼穹人能如  
我存心天必賜汝以福於是訓於人曰昔于公治獄大興駟  
馬之門竇氏濟人高折五枝之桂救蟻中狀元之選埋蛇享  
宰相之營欲廣福田須憑心地行時時之方便作種種之陰  
功利物利人修善修福正直代天行化慈祥爲國救民忠主





孝親敬兄信友或奉眞朝斗或拜佛念經報答四恩廣行三

教濟急如濟涸轍之魚救危如救蜜羅之雀矜孤恤寡敬老

憐貧措衣食周道路之饑寒施棺槨免屍核之暴露家富提

攜親戚歲饑振濟鄰朋斗秤須要公平不可輕出重八奴僕

待之寬恕豈宜責備苛求印造經文創修寺院捨藥材以振

疾苦施茶水以解渴煩或買物而放生或持齋而戒殺舉步

常看蟲蟻禁火莫燒山林點夜燈以照人行造河船以濟人

度勿登山而網禽獸勿臨水而毒魚蝦勿宰耕牛勿棄字紙



勿謀人之財產勿妒人之技能勿淫人之妻女勿唆人之爭  
訟勿壞人之名利勿破人之婚姻勿因私讎使人弟兄不和  
勿因小利使人父子不睦勿倚權勢而辱善良勿恃富豪而  
欺貧困善人則親近之助德行於身心惡人則遠避之杜災  
殃於眉睫常須隱惡揚善不可口是心非剪礎道之荆榛除  
當途之瓦石修數百年崎嶇之路造千萬人來往之橋垂訓  
以格人非捐貲以成人美作事須循天理出言要順人心見  
先哲於羹牆慎獨知於衾影諸惡莫作眾善奉行永無惡曜



加臨常有古神擁護近報則在自己遠報則在兜孫百福駢  
臻千祥雲集豈不從陰隲中來者哉

文昌帝君遏慾文

孽海茫茫首惡無非色慾塵寰擾擾易犯惟有邪淫拔山蓋  
世之雄坐此亡身喪國繡口錦心之士因茲敗節隳名始爲  
一念之差遂至終身莫贖何乃淫風日熾天理淪亡以當悲  
當恨之行反爲得計而眾賤豕怒之事恬不知羞刊淫詞談  
麗色日淫道左嬌姿腸斷簾中窈窕或貞節或淑德可敬可



嘉乃計誘而使無完行若卑子若僕妾宜憐宜憫竟勢逼而致玷終身既令親族含羞尤使子孫蒙垢嗟嗟總因心昏

氣濁賢遠佞親豈知天地難容鬼神震怒或妻女酌償或子

孫受報絕詞詞之墳墓無非好色狂徒倡妓之祖宗盡是貪花

浪子當富則玉樓削籍應貴則金榜除名笞杖徒流大辟生

曹五等之誅地獄餓鬼畜生沒受三途之苦從前恩愛至此

成空昔日風流而今安在與其後悔以無從無胡不蚤恩思而勿

犯謹勸青年而士黃卷名流發覺悟之心破色魔之障芙蓉



粉面不過帶肉骷髏美艷紅粧乃是殺人利刃縱如花如玉  
之貌當若姊若妹之心未犯者謹防失足已犯者急早回頭  
更望輾轉流通迭相化導必使在齊在歸覺路人共出迷津  
則首惡既除眾邪自消靈台無滯世榮垂遠矣



朱子治家格言

黎明卽起洒掃庭除要內外整潔既昏便息關鎖門戶必親  
自檢點一粥一飯當思來處不易半絲半縷恆念物力維艱  
宜未雨而綢繆毋臨渴而掘井自奉必須儉約晏客切勿流  
連器具質而潔瓦缶勝金玉飲食約而精園蔬愈珍羞勿  
營華屋勿謀良田三姑六嫂實淫盜之媒婢美妾嬌非閨房  
之福童僕勿用俊美妻妾切忌豔妝祖宗雖遠祭祀不可不  
誠子孫雖愚經書不可不讀居身務期質樸教子要有義方



勿貪意外之財勿飲過量之酒  
與肩挑貿易毋佔便宜見

貧苦親鄰須多溫恤刻薄成家理無久  
享倫常乖舛立見消  
亡兄弟叔姪須分多潤寡長幼內外宜法肅辭嚴聽婦言乖  
骨肉豈是丈夫重貲財薄父母不成人子  
嫁女擇佳壻毋

索重聘娶媳求淑女毋計厚奩見富貴而生諂容者最可耻  
遇貧窮而作驕態者賤莫甚居家戒爭訟訟則終凶處世戒  
多言言多必失毋恃勢力而逼凌孤寡毋貪口腹而恣殺生  
禽乖僻自是悔悞必多頽惰自甘家道難成狎賭惡少久必



受其累曲志老成急則可相依輕聽發言安知非人之潛愬  
當忍耐三思因事相爭焉知非己之不是須平心暗想施惠  
無念受恩莫忘凡事當留餘地得意不宜再往人有喜慶不  
可生嫉妒心人有禍患不可生欣幸心善欲人見不是真善  
惡恐人知便是大惡見色而起淫心報在妻女匿怨而用暗  
箭禍延子孫家門和順雖饗殮不繼亦有餘歡國課早完卽  
卽囊橐無餘自得至樂讀書志在聖賢爲官心存君國守分  
安命順時聽天爲人若此庶乎近焉



五服圖

本宗五服圖

三父八母服制圖

出嫁女為本宗降服圖

妻為夫黨服制圖

妻為家長族服圖

外族母黨妻黨服圖

喪服總圖





# 本 宗 五

凡嫡孫父卒為祖  
 父母承重服斬衰  
 三年若為曾祖父  
 母承重服亦同

高祖	齊衰						
曾祖	齊衰	曾伯叔 祖父母	總麻				
祖父	齊衰	伯叔 祖父母	小功	族伯叔 祖父母	總麻		
父	斬衰	伯叔 父母	期年	堂伯叔 父母	小功	族伯叔 父母	總麻
己		兄弟 妻	期年 小功	堂兄弟 妻	大功 總麻	再從兄弟 妻	小功 無服
長子	期年	侄婦	小功	堂侄婦	小功 總麻	再從侄婦	總麻 無服
嫡孫	期年	侄孫婦	總麻	堂侄孫婦	無服 總麻		
曾孫	總麻	曾侄孫婦	無服				
玄孫	總麻						

凡男為人後者為本生  
 親屬孝服皆降一等  
 本生父母亦降服不杖  
 期父母報服同

三民方言







# 三父八母

兩無大功謂繼父  
無子孫已身亦  
無伯叔兄弟  
同居繼父  
齊衰三月  
亦有伯叔兄弟  
父有子孫自己  
兩有大功謂繼

先同居今不同  
居 齊衰三月  
不同居繼父  
居 無服  
自來未隨母同  
父沒隨母再嫁  
從繼母嫁  
齊衰三月

謂自幼過房  
養母 斬衰三年  
典人

謂妾生子女稱  
嫡母 斬衰三年  
父之正妻

謂父娶之後妻  
繼母 斬衰三年


謂所生母死父  
慈母 斬衰三年  
令別妻撫育

謂親母父死  
嫁母 齊衰杖期  
再嫁他人

謂親母被父  
出母 齊衰杖期  
出者

父先有子妾所  
庶母 斬衰三年  
眾子齊衰杖

謂父妾乳哺者  
乳母 總麻





# 出嫁女為本宗服圖

李氏族譜

卷一

		高祖父母 <small>齊衰 三月</small>			
		曾祖父母 <small>齊衰 五月</small>			
		祖父母 <small>期 年</small>	祖兄弟 <small>總麻</small>		
祖姊妹 <small>在室總麻 出嫁無服</small>	祖父母 <small>期 年</small>	伯叔父母 <small>大功</small>	父堂兄弟 <small>總麻</small>		
父堂姊妹 <small>在室總麻 出嫁無服</small>	父母 <small>期 年</small>	兄弟 <small>大功</small>	堂兄弟 <small>小功</small>		
父姊妹 <small>在室大功 出嫁小功</small>	己身	堂姊妹 <small>在室大功 出嫁小功</small>	兄弟子 <small>大功</small>	堂侄 <small>總麻</small>	
堂姊妹 <small>在室小功 出嫁總麻</small>	兄弟女 <small>在室大功 出嫁小功</small>	堂侄女 <small>在室總麻 出嫁無服</small>			

三




# 妻為夫黨

夫為祖父母及曾高  
祖父母承重者并  
從夫服

夫高祖	總				
夫曾祖	總	夫曾伯叔祖父母 無服			
夫祖	大	夫伯叔祖父母 總麻	夫族伯叔祖父母 無服		
舅	斬衰	夫伯叔父母 大功	夫堂伯叔父母 總麻	夫族伯叔父母 無服	
妻為夫	斬衰三年	夫兄弟及妻 小功	夫堂兄弟及妻 總麻	夫再從兄弟 無服	夫族兄弟 無服
長子	子期	夫侄孫 大功	夫堂侄孫 總麻	夫再從侄 總麻	
孫	大功	夫侄孫 總麻	夫堂侄孫 總麻		妻為夫外祖父母 義服總麻 妻為夫 母舅母姨義服總麻
曾	總	夫曾侄孫 總麻			
玄	總				

妻為夫外祖父母  
義服總麻  
妻為夫  
母舅母姨義服總麻







# 服制之圖

				父母 <small>麻</small>	
		夫曾祖姑 <small>無服</small>		父母 <small>麻</small>	
天為人後其妻為 本生舅姑服大功		夫堂祖姑 <small>無服</small>		父母 <small>功</small>	
		夫親姑 <small>小功</small>		姑 <small>三年</small>	
		夫姊妹 <small>小功</small>		夫為妻 <small>齊衰杖期 父母在不杖</small>	
		夫堂姊妹 <small>總麻</small>		眾子 <small>子期 子大期</small>	
		夫堂侄孫女 <small>出嫁無服</small>		孫婦 <small>總麻</small>	
		夫曾侄孫女 <small>出嫁無服</small>		孫 <small>麻</small>	
				孫 <small>麻</small>	

妻為夫之生母義服  
斬衰三年妻為夫  
之庶母義服齊衰  
三年



# 妾為家長族服圖





# 外族母黨妻黨服圖

		妻祖父母 <small>無服</small>		
	妻之姑 <small>無服</small>	妻父母 <small>總麻</small>	妻伯叔 <small>無服</small>	
	妻之姊妹 <small>無服</small>	己身 <small>為婿 總麻</small>	妻兄弟及婦 <small>無服</small>	妻外祖父母 <small>無服</small>
	妻姊妹子 <small>無服</small>	妻之子 <small>總麻</small>	妻兄弟子 <small>無服</small>	
		女之孫 <small>無服</small>		






# 喪服總圖

<p style="font-size: 2em; font-weight: bold;">斬衰</p> <p style="font-size: 1.5em;">三 年</p>						
用	至	麤	麻	布	為	之
<p style="font-size: 2em; font-weight: bold;">齊衰</p> <p style="font-size: 1.5em;">五 月 杖 期</p> <p style="font-size: 1.5em;">三 月 杖 期</p>						
用	稍	麤	麻	布	為	之
<p style="font-size: 2em; font-weight: bold;">大功</p> <p style="font-size: 1.5em;">九 月</p>						
用	麤		熟	布	為	之
<p style="font-size: 2em; font-weight: bold;">小功</p> <p style="font-size: 1.5em;">五 月</p>						
用	稍	麤	熟	布	為	之
<p style="font-size: 2em; font-weight: bold;">總麻</p> <p style="font-size: 1.5em;">三 月</p>						
用	稍	細	熟	布	為	之

五方言

五





續譜跋

我祖自江右遷邵越四百餘歲矣康熙甲子湖茫吏部

雲龍公揮千金命族中老成九人執譜遍訪宗支 伯元公

歷長衡永寶查明九支族居一焉 高祖衡茅公攷證舊編

丁丑謄寫善本叔祖文旃公克承厥志丙戌付剏丁亥告竣

迄今四十餘祀歲戊辰石階五公房商同合修不果己巳族

長老命祿賢古先以禮占春等董其成五世爲圖六世再揭

卽圖卽傳蘇式也 鼻祖二公杜攀援也詳仁義兩支屏依



附也事竣咸囑綴言末簡禫思我族自伯元公來昭穆世

序本本源源可謂核矣凡所以篤倫紀垂後昆者朗若日星

庸何贅况捫籥雕蟲文章猶未為世推許又安敢珥筆敷詞

貽續貂羞茲幸諸君克繼厥美禫亦樂相與有成爰跋數語

俾閱是譜者欣先縷緒析後之象賢有所觀感云

嘉慶庚午車塘十七世孫秉禫占春氏敬跋



李氏由江西至湖廣肇基十六族分派源流圖

璣公

禮部尚書後居江蘇湖南等處太守珍行公兄弟是其裔也

璫公

吏部尚書居大順鄉

璉公

兵部尚書居大順鄉

材公

進士

瑄公


都憲院後居新建縣西山桃花村

璿公

後裔居新建縣桃花村

棡公

賜進士





璜公 御史大夫

琮公 戶部尚書

琯公 侍御史


璋公 太守

瑤公 工部尚書後居湖茫

寅公 生祖二公居湖南賀邵東西兩境

琢公 兵部尚書後居湖南

則敬公 方伯公字嗣剛之長子也賜進士入內閣中書修政文華殿生二子長以彰字有德徙楚長寧縣以彩字文質居豫章





則忠公

方伯公次子鄉試鎖榜入京會試躬染鬱疾辭歸上愛其才贈詩慰之曰  
詞源倒峽筆陣風勢搖五嶽山巔松互發串發環妙義暫歸深幕再相逢  
生三子諱琳太守第六世孫必貴公徙居湖南寶邵灘頭二三子仍居豫  
章

善長公

長子祖一永樂年間居湖南石塘村次子祖二洪武年間徙寶邵三子大  
勇遷新甯縣地名大埠 寅公字善長

梁公

後裔兄弟七人洪武年間遷楚寶邵隆回黃皮嶺

惠周公

丞相太尉後裔居猶音戶茅坪崗口等處

轅公

後裔自弘治年間來楚寶邵隆回二都黃泥井



辨公

辨公... 辨公... 辨公...

昌國公

昌國公... 昌國公... 昌國公...

梁公

梁公... 梁公... 梁公...

善身公


善身公... 善身公... 善身公...

...

... 善身公... 善身公... 善身公...

...

... 善身公... 善身公... 善身公...





世原圖系

李氏出嬴姓高陽氏生大業大業生女華女華生皐陶字

廷堅為堯大理生益益生思成歷虞夏商世為大理以官

命族為理氏至紂之時徽字德靈為翼隸中吳伯以直道

不容於紂得罪而死其妻陳國契和氏與子利貞逃難於

伊侯之墟食木子得全遂改理為李

利貞子

昌祖陳大夫家於苦縣五世至

碩宗周康王賜采邑於苦縣五世至  
乾字元果周上御史大夫娶益壽氏女嬰敷子



耳 字伯陽諡曰聃周平時為柱下史  
生子  
宗 字尊祖仕於魏封於段為千本大夫段千木亦  
其後也生子

同 為趙大將軍生子

兌 為趙相國生子

躋 為趙陽安君生子

雲恪 本派恪生子

洪 字遏宏為秦太子太傅生子

興族 名汪守育神為秦大將軍 生子


曇 字貴陽為趙相柏人武安君牧亦其後也後入秦為御史大夫 生子崇辨昭義  
本派崇

崇 字伯祐建功北狄封南郃公生子  
瑤 字內德為南郡太守狄道侯生子

信 字有成為秦大將軍封隴西侯  
生子

超 一名伉字仁高為漢大將軍漁陽太守生子  
元曠 仲翔本派仲翔

仲翔 河東征西將軍討叛羗於素昌一名狄道戰沒贈太尉葬隴西狄道東川因家焉  
生子





伯考

為隴西河東二郡太守生子

尚

成紀今因家焉生子

廣

歷文景武三帝為前將軍立功沙  
漢生子當戶椒敢 本派敢

敢

字幼卿賜爵關內侯食邑二百戶生禹忠本派

禹

字子通為漢侍中郎事載漢史生

丞公

為河南太守生子

先

字敬忠為蜀郡太守生子

長宗

字伯禮為漁陽丞生子

君况

字叔平一字子期為博士郎大  
中大夫生子

本

字上明由孝廉官至御史郎中侍御史生子

次君

字仲君為巴郡太守西夷校尉  
生子

軌

字文範一字逸文為魏臨淮太守司農卿  
生子

隆

字彥緒由長安令為積弩將軍生  
子

艾


字世績為晉驍騎將軍魏郡太守生子

雍

字俊熙歷尚書郎濟北東莞太守  
生子

弇

歷天水郡太守衛將軍封安亭侯贈武衛將軍  
建中初追諡景公生子





景 字伯堅幼有名譽建中初追諡簡高 小字長生封西涼武昭王生子譚歆讓恂翻  
公生子 豫宏眺亮本派歆

歆 字士業為西涼後主生子 昂紹 重耳 宏之 崇明 崇度 崇庸 崇祐  
本派重耳


重耳 字景順為宋汝南太守後魏克豫州以地歸之拜宏農太守贈安南將軍豫州刺  
史生子

熙 字孟良為後魏金門鎮將軍以良錫 字德貞仕魏為幢主大總統追贈司空諡懿植  
鎮武川為都督遂家焉生子天錫 光皇帝生三子 起頭 虎乞 豆 本派虎

虎 字文彬西魏時官至太尉與李弼等八人佐周伐魏有功皆為柱國時號八柱國加  
大將軍周閔帝追錄元勳封唐國公諡曰襄 生子 延伯 真曷 岡 周 璋  
繪 緯 亮 本派曷

延伯 封高陽公 岡 封蔡王

周 財州總管三州刺史封襄武縣公 璋 仕周為梁州刺史封畢王





繪 隋江夏總管封雍王

亮 隋趙興太守長社郡公

澄 封梁王

洪 封漢王領將軍

淵 為唐高祖神堯大聖大光孝皇帝在位九年享壽七十一歲生子二十二人分十五房長建成隱太子

元霸 封衛王

元景 封荆王

元方 封周王

緯 封嗣王隋上儀同三司

昺 隋州總管柱國大將軍襲封唐公卒諡仁公生四子

湛 封蜀王

元吉 封巢王


元品 封漢王

元禮 封徐王

智雲 封楚王

元亨 封鄴王

元嘉 封韓王





元則 封彭王

元懿 封鄭王

元軌 封藿王

元鳳 封統王

元渡 封道王

元裕 封鄧王

元名 封舒王

靈夔 封魯王

元祥 封江王

元曉 封蜜王

元嬰 封滕王

世民 字為善初封秦王為唐太宗文武大聖大廣孝皇帝在位二十三年壽五十三歲生子十四人

長高宗 天皇大聖大弘孝皇帝


實 太宗第九子初封晉王在位二十四年壽五十六歲生八子

乾 封恆山愍王

寬 封楚王

恪 封吳王貞觀時為齊州都督

秦 封濮王為揚州大都督雍州牧左武侯愔 封蜀王 大將軍祐庶人





**惲** 封將主拜安都督贈賢封千戶贈司空  
**真** 封越王善騎射涉文史有史幹為宗室才

**慎** 封紀王貞觀中廷襄州刺史以治嘗最天子璽書勞  
勉人為立石頌德遷太子太師貝州刺史 生七子  
**囂** 封江王

**簡** 封代王  
**福** 封趙王  
**明** 封曹王生子俊傑備 本派傑


**傑** 武后時遇害生子胤  
**胤** 襲封曹王嗣為左衛率府中郎將 生子

**職** 襲封曹王為中郎將生子  
**皐** 字子蘭少補左司禦兵曹參軍襲曹王贈  
尚書左僕射諡成王生子本欽本道

**道** 左進士司門郎少宗正兼御史中丞節  
鎮黔中觀節度使  
**欽** 右金吾大將軍隴右節度使贈太子太保  
配王氏贈代國夫人生子晟

**晟** 字良器隴西臨潭縣人生唐開元十五年丁卯五月初一日為神策將軍加鳳翔隴  
右節度使行營副元帥上柱國合州郡王改封西平王食祿一千五百戶賜京兆萬  
年縣永崇里第涇陽土田延年門園林女樂八人御製紀功碑皇太子親書石東橋  
詔封先世立五廟圖像凌煙閣御製像贊薨於貞元九年八月初四壽六十七贈太

李氏 疾 晉





師諡忠武王本年十二月葬陝西西安府高陵縣奉正元妃贈鄭國夫人杜氏附焉  
元和四年詔編附屬玉牒配享德宗廟生子十五 侗 佖 偕 具 不 寿 愆 應

恩 愆 聰 愆 憲 愆 聽 直 愆 本派憲

**愆** 詔命承嫡檢校司空兼河尹充河中節度使贈司徒  
**應** 詔命承嫡贈司空


**恩** 詔命承嫡贈司徒  
**愿** 詔命承嫡贈司徒總太子中充贈兵部郎中

**聰** 光祿寺主簿  
**孫** 左神武大將軍

**愆** 太子詹事左僕射同中書門下平章事進士上柱國涼國公  
**懿** 渭南縣尹

**聽** 檢校兵部尚書武寧軍節度使太子太師楊國公  
**直** 秘書省校書羽林將軍

**愆** 嵐州刺史奉訓大夫





憲

字章武檢校散騎常侍兼太府卿江西觀察使遷嶺南節度使行十生賢歷壬寅卒太和己酉嶺南官所歸葬分宜化全鄉十二都紅花園初娶張茂宗係德宗外甥女繼娶符氏司馬氏同葬栗山生六子游煥錯楷植欲本派游

煥

建昌通判

錯

陽朔主簿

楷

東蒙縣丞

植

瑞州知州

欲

繩衛尉少卿

游

字觀業寓袁州封宜春郡侯遂家焉娶萬載宋氏公德政洽民郡人立廟祀於袁州南門葬分宜九都加田里生三子服丕蟾本派蟾

服

盧陵分宜等派

丕

安福吉水新淦瑞州等郡

蟾

一名崇字至德戶名淑宗籍河南門封府開封縣今改祥符新里鄉小邊村舊譜載公父子同榜進士初任徐州知州益州孔目自景福二年考校試徐州荊州刺史使乾寧元年調除豫章刺史使公有功社稷以宗室華胄封趙國公娶夫人趙氏於豫章因家焉乾甯三年公卒夫人亦卒次年奉旨合葬本省新建縣至德觀生天之陽子蓬



蓬生子

勝由撫州臨川縣橋上徙居豐城正信鄉新城湖茫村訢生子

致一名超行未詳子三熙從貴

從字伯順時稱處士宋天聖五年卒年八月十九葬折角蜈蚣庚山甲向原配黃氏續配張氏生三子珪琮琇

琮字世京以子仲餘貢初封大理寺評事再封大理寺守衛寺丞三封大理寺丞四封光祿少卿五封尚書工部侍郎宋開寶壬申生壽八十七歲嘉祐戊戌卒葬廣豐鄉

戎方郎中李上交銘墓配徐氏贈南昌君續配陽氏三配葛氏生五子仲誠仲餘仲誨仲鍊仲訓 本派鍊

仲鍊生

君佐生

侔生

渙生

師廣生

濃生五子

寅

宣

寬

寶

寧

本派寅

寅生二子祖一祖二

本派二

祖二由江西南昌豐城縣湖茫村徙居湖南寶慶邵陽縣子二宗仁宗義宗義



祖二公後裔摺紳譜

德昌 探花郎

文敏 府庠生

文福 年九十九舉鄉飲賓給冠帶

仲淵 舉壽官給冠帶

仲澄 舉壽官給冠帶

仲淮 舉孝廉年九十七舉壽官給冠帶

仲江 舉壽官給冠帶

仲五 舉壽官給冠帶

仲六 年九十六舉壽官給冠帶

本顏 邑庠生

家堯 考授經歷

聯奎 勅授將軍

敏吾 舉孝廉方正

朝振 同知銜

時奇 邑庠生

開奇 邑庠生

友惠 明弘光三年破產巨萬起義勤王授七省監軍道 詔曰國家際泰安之秋揆文必恭以奮砥朝廷當鼎沸之會除暴維需乎壯猷故修扞於艱志堪貫乎金石官賞必懋禮應錫以牙璋惟爾寶郡義士李友惠祥開隴西既忠貞之有自

念切依北矢翼戴而無辭爰舉義旗於邵陽丹心動日欲清妖孽於河朔勁節凌霜乃者撫臣奏功行在余一人嘉爾戎功特命爾為七省監軍道上自雲貴下達閩江凡茲將校武弁悉聽接應由是彤方旅矢擅操縱於闔外因之沉謀奇莫妙變化於局中共立匡復之功轉禍為福無廢先帝之業傾否為平則善



始者庶幾善終矣尚迪果毅恢我皇圖

才試 邑庠生

才誠 邑庠生

才詡 考授經歷

子芳 邑庠生

之白 字遐淑 邑庠生

仲光 邑庠生

子容 邑庠生

時乘 太學生

欽若 邑庠生

雲龍 康熙進士翰林院官吏部文選司 公念切敦睦命族中老成執譜訪宗本支得以清其源流皆公之力也

伯元 邑庠生

逢時 允携 邑庠生

允璠 邑庠生

允朝 邑庠生

允謙 邑庠生

豈凡 職員

允玉 字榮章 壽百歲例授登仕郎

如山 太學生

允相 吏部經歷

允銘 太學生


物章 允邁 職員

其華 賢夫文旗 邑庠生

育仁 登仕郎

其錦 邑庠生

其霖 登仕郎





其梅 太學生

輝斗 嘉慶甲戌進士授內閣中書

上達 學安從九銜

萬鍾 學致候選古堂

秉楨 千戎府

上超 邑庠生

祿賢 學俸邑庠生

則仕 登仕郎

冠楚 府典歷

鼎臣 咸豐辛亥科舉人

士龍 邑庠生

李復 太學生

吉先 秉近炯南松山氏登仕郎

瓊林 府典歷

占春 秉禪邑庠生

耀春 府典歷

吉遇 秉邁曉山登仕郎追封雲騎尉

宏槩 邑庠生咸豐己未殉節馳世襲雲騎尉八忠臣祠

毓秀 太學生

青選 從九職銜

秉和 登仕郎

秉國 太學生

鳴鹿 燕臣太學生

國珍 公瑛璧山同治壬戌舉人

公韜 太學生

國琛 公燦崑郡庠生

步蓮 邑庠生

贊虞 良田松溪西舉人

鴻逵 良賓雲衢邑庠生年十九歲

人霖 靖臣襲職雲騎尉

郁藩 從九職銜



公明 字成章太學生

良伯 字松亭九品銜

秉越 隆昌亞元

學粹 縣典歷

秉性 字恆鄉邑庠生受廣東潮連知縣

秉恬 太學生

公輔 太學生

公望 太學生

秉梁 壽耆八品

秉斗 字回寅壽一百零二歲髮白轉青齒落復生恩錫五品銜請百歲坊給冠帶

公紹 壽耆八品

公俸 字鍾祿篆顯廷外庠加捐縣丞訓導庭幃纂修族譜

良驢 篆

啟祥

公吉 壽耆八品

公堂 職員

開甲 名良模武生

良棟 武生

揚鑣良賓 武生

啟後 裕光身列武生

啟平 身列武生

紹前 啟先身列武生

良善 壽耆八品

耀廷 佑宗身列武生 安邦 佑輔身列武生

克復 佑弼身列武生

克明 佑寬身列武生

恆春 佑仁身列武生

佑平 太初畢業教員 啟邵 太學生

李金 佑俊字安廷身列武生

良士 篆傑字靄臣文貢生

啟寬 有成太學生

蔭濃 啟權字執中邑庠生



摘錄舊譜所載派衍及遷徙處

文廣公下衍

白果灣

學燦等支

係朝饒之後

文廣公下衍

白果灣

學先一支

係朝彩之派

仲淵公下衍

姜家灣

學先一支

係朝巨之派

仲淵公下衍

寶華寺

學宏等支

係朝巨之系

福虎公下衍

高廟子

學佳等支

係朝賢之後

朝燦公下衍

高家溝

子明子明等支

係才文之派

朝燦公下衍

黑岩溝

其浩一支

係子旺之派





朝煥公下衍高家溝允耀一支係子鳳之派

右各派之散在安岳縣各地者以下接錄遷徙處所

必玉子文燦後裔有徙居宜賓縣北義合鄉謝家墳胡家坎等處必茂裔福星原名文星子朝秀康熙丁丑徙居南溪縣


福昱原名文昱徙居資州朝濟徙川卒於蜀

子儒原名茂儒乾隆壬申徙川卒葬樂山縣五通橋子允觀原名盛觀允觀子其賢其定其仁徙居金堂縣竹篙寺

朝明子才文原名昌文生五子奉母徙川才武原名昌武徙居綿州安縣秀水河

才賦子子爵原名茂爵乾隆辛未九月二十八徙居金堂縣允銀卒葬成都瓦子街

才位原名昌位生五子康熙末徙川居成都府北門朝登原名文登生子才耀才忠才文才全康熙丙申徙成都





允祚 原名太祚生六子雍正丙午徙居內江縣雲山鎮羅家壩

子秀 原名茂秀生二子康熙己未徙居梁山縣

子貴 子其琨其瑚徙居永川縣

子榮 原名茂榮子允班允才允元乾隆戊辰徙居永川縣九坐炉

子華 原名茂華生于二允鳳允鸞乾隆戊辰徙居永川縣九坐爐

朝智 原名文智子才述才照才遂徙居安縣秀水河黃金堰

朝意 原名文意子才芬原名昌芬子子相子奇子詩子廣子言乾隆丙辰徙居安縣秀水河黃金堰

子秩 原名茂秩徙居合州

才祥 原名昌祥生四子雍正甲寅徙居營山縣

朝麟 原名文麟雍正甲寅徙居營山縣

才松 原名昌松子三人子升子祝子華乾隆壬申徙居安縣秀水河

才柏 原名昌柏子一人子行乾隆初徙居成都

其龍 原名光龍卒葬夔府開縣石龍溪

其鳳 原名光鳳卒葬夔府榮陽縣龍琦山

允瑚 原名盛瑚子五人乾隆甲申徙居開縣石溪河



其常 原名光常卒葬雲陽縣生五子學加其美  
學才學美學義學仁

才瓊 原名昌瓊子二子彩子能康熙中徙居安縣秀水河  
才瑜 原名昌瑜乾隆辛未徙居安縣秀水河

允亮 原名盛亮子其顯徙居成都府瓦子灘  
子堯 原名茂堯子永秀徙居夔州府

子寧 原名茂寧子允恆徙居永州縣  
才玉 原名昌玉生四子子聰子智子志子彗乾隆癸亥徙居永川縣城石場

子瑤 原名茂瑤徙永川縣城石場  
允位 原名盛位徙居安縣秀水河

子正 原名茂正康熙庚午徙安縣秀水河  
子承 原名茂承康熙庚午徙安縣秀水河  
弟子成

子才 原名茂才與上同葬黑石橋  
允交 原名盛交賀川卒葬秀水河

子隆 原名茂隆康熙丙戌賀川安縣秀水河卒葬其地次子允俸始乾隆辛未徙秀水河家焉



朝璫 留川卒葬永川縣石廟場生五子

才廣 卒葬亦與上同

朝坤 原名文坤留川金堂縣生三子

允祿 徙居內江縣

文秀派朝北裔允祥子其文 徙居安岳永康鄉高廟子第其武與秉耀之祖同名非其派也但徙居同地未知所衍何支

允昇 徙居內江縣蘆家冲

才春 原名生春康熙中徙居富順縣鳳凰寺黃果嘴

才瓊 原名瓊春康熙中徙居安岳縣永康鄉高廟子

才玳 原名與上同

允交允述允仁 康熙中徙居安岳縣永康鄉高廟子才琮 原名琮春徙居富順縣

才珍 原名友珍康熙中徙居隆昌縣楊家廟子延 徙居城都

朝巨 原名巨朝子才耀原名耀春康熙丙戌冬徙居安岳永康鄉姜家灣允朝即其後裔子勳 徙居楊家廟



子潛

康熙末徙居富順縣鳳凰寺

其為

徙居安岳永康鄉姜家灣

才桃

原名桃春康熙癸未徙居安岳縣永康鄉姜家灣

子彬

康熙末徙居綿竹縣孝泉寺

子璠

徙居安岳縣永康鄉高廟子

子興

徙居四川安岳縣永康鄉高廟子

子璋

徙居城都

子濟

徙居隆昌北鄉雙飛駟李家橋

子珪

賀川德陽縣卒葬綿竹孝泉寺後

子遜

康熙中賀叙州府南溪縣城內三官樓

子祿

康熙甲午徙宜賓縣義合鄉王家場

才達

原名達春徙居隆昌縣雙飛駟

才迓

原名迓春偕弟才近才遂徙居隆昌

允智


偕弟徙南充縣北鄉清水溪

子板

康熙中徙開縣桃溪河子允迪卒於中江

才松

原名友松配顏氏攜三子徙居隆昌





才杏 原名友杏配陳氏康熙丙午徙成都郫縣陳氏卒葬潼川中江縣茅草壩子子琳居郫縣子允居中江縣北鄉廣佛堰

子青 徙夔府

子蓮 徙居夔府子允鏡徙隆昌縣北鄉黎家灣

允光 雍正初奉母徙隆昌縣雙飛駟旋徙宜賓義合鄉大溪槽

其利 留隆昌黑虎嘴

允金 康熙甲午徙內江縣

允吉 乾隆初徙居宜賓縣


其肇其律 徙居開縣

子央 徙居安岳縣高廟子

允遜 徙隆昌配廖氏卒葬隆昌北鄉豹子岩生六子其播其楊其擴其拔其扶其擲雍正丁未徙居安岳縣高廟子

子開 康熙乙未徙居宜賓義合鄉謝家壩子允逢於康熙甲午徙居宜賓仙化鄉允瓊 徙居安岳縣永康鄉高廟子

允文 雍正壬子徙居宜賓縣義合鄉謝家壩允選 康熙乙未徙與允文同居



五元族譜 卷一 一四



子喆 康熙癸巳徙隆昌縣在城鄉土橋子  
其龍 徙隆昌在城鄉土橋子

子芬 康熙丙子徙居富順縣旋移居隆昌  
史家街河子允琢遼双飛駟

允唐 乾隆丙辰買重慶府巴縣

其應 習成都

其孔 買隆昌

子祥 康熙中徙居隆昌雙飛駟李家橋

允安 徙居隆昌雙飛駟李家橋

允定 徙開縣桃溪河

允寅 同上

其逢 徙灌縣

其巽 徙居黔江縣 會堪

子顯 徙居資陽縣

子貴 才逢次子徙居大足王家灘

子貴 才友長子徙合江縣城南

子華 同上





允蘭 徙居宜賓縣

子蘭 雍正初徙隆昌雙飛駟李家溝

才索 同上

才忠 原名友忠徙居永川縣又徙宜賓縣  
岩上

允一 徙居安岳縣

才翔 原名友翔徙居宜賓縣仙化鄉

其惠 乾隆庚子徙雲陽縣

朝富 康熙中徙居漢州茅草場

子肖 雍正中徙居嘉定榮縣龍灘場與子  
豪同居

子桂 同上

才命 原名友命康熙壬午徙宜賓縣義合  
鄉王家場

才亮 原名友亮康熙癸巳徙居永川縣

子俊 康熙癸巳徙居宜賓縣仙化鄉

才勳 原名友勳徙安岳縣旋遷威遠縣童  
家寺新壩

允耀 徙雲陽縣

子林 徙永川又允俊移居安岳永康白菓  
壩



子全

康熙中徙隆昌後移居漢州茅草壩

子珠

徙居隆昌白兔坪鬍子觀

才俊

原名友俊康熙中徙居安岳白果壩

才星

原名友星徙隆昌雙飛驢

其安

康熙中徙居隆昌史家河復遷南隆府新城

才南

原名友南康熙中徙隆昌東岳廟黑虎嘴

才英

原名友英康熙中徙宜賓義合鄉岩上十担溝

子湖

雍正中徙隆昌白兔坪鬍子觀

子河

乾隆庚午徙安岳次子允洛居永康鄉千佛寺三子允唐旋由安岳遷成都長孫其正仍居千佛寺

子清

賀內江縣卒葬白茅壩子一孫一

才梯

原名友梯康熙壬寅徙隆昌白兔坪鬍子觀

朝瑞

原名瑞奇徙宜賓義合鄉唐家岩張家嘴

才章


康熙壬午徙隆昌白兔坪黎家壩

才傑

原名友傑雍正戊申徙居安岳縣

才友

原名友材雍正戊申徙安岳縣麻柳河





朝振

一名振奇康熙中徙隆昌車司橋友試友誦友誠子芳即其裔也

才倪

原名友倪徙富順鳳凰寺黃果嘴

子福

徙富順宋家

王家嘴

才植

原名友植康熙癸未徙居宜賓縣義合鄉千担溝許家坩

才蓉

原名友蓉康熙癸未徙居宜賓縣義合鄉岩上郭車灣

允忠

徙居威遠縣石龍巷

才杞

原名友杞徙隆昌旋移居威遠北縣龍池堰

才學


原名友學康熙丁丑徙重慶旋移居安岳永康鄉高廟子

才昌

原名友昌康熙丁丑徙居安岳縣永康鄉高廟子

子鳳

字茂貴康熙癸丑安岳縣永康鄉高家溝賜主廟麗





才文 原名友文康熙丁丑徙四川安岳縣永康鄉鎮子場高家溝子五明旺明旺明响  
明响因人繁移居平橋地家埔黑岩溝等處其浩學偉學芳學俊即其裔也

朝聖 子才智才勝徙居安岳縣永康鄉高廟子

才榮 康熙丁丑徙居安岳縣永康鄉高廟子

朝秀 後裔徙南溪縣仙儀場

才義 原名興義徙資州水木溝

才文 原名興文乾隆甲戌徙重慶江津縣（此係必茂公派衍）

才智 原名興智賀南溪縣

才興 原名興才乾隆乙酉徙資州

子鏡 原名世鏡乾隆己亥徙資州

朝聰 原名泰聰賀仁壽縣

才宜 原名興宜徙重慶江津縣子旋徙重慶

子華 原名世華乾隆雍正乙卯春徙巴縣千坵傍

才蔚 原名興蔚賀德陽縣

才聰 原名興聰乾隆癸酉冬徙巴縣千坵傍

... 乾隆癸酉冬徙巴縣千坵傍



才俊 原名興俊乾隆癸酉冬徙江津縣

才佳 原名興佳乾隆癸酉冬徙江津縣

朝華 原名太華雍正癸卯冬徙德陽縣江子淹

子文 原名世文徙巴縣干坵傍

允成 原名德成乾隆辛巳徙巴縣

朝瑩 原名泰瑩徙德陽縣江子淹

朝潤 原名瑞潤徙德陽縣江子淹

朝壅 原名壅徙德陽縣江子淹

朝賓 原名泰賓康熙丙申徙內江縣馮江坪

才壽 原名興壽康熙丙戌徙內江東寒山馮家冲

朝學 其子丙戌徙瀘州

朝順 徙內江縣馮江坪

朝豹 原名文豹配宣氏卒續娶楊氏生四子才仁允珍允璠徙樂至縣雙石口

學丙 隨父徙開縣

才熊 生五子如下惟子貴無考



子富 原名茂富配馮氏生六子允位允俊隨父徙樂至縣雙石口

子華 原名茂華配顏氏生二子允鳳允鸞徙居永川縣九座爐

子蘭 配姜氏生四子允德允伯允烈允龍徙川寧隆縣半山嶺何家垣

子榮 生三子允班允才允元徙永川縣九座爐

朝煒 原名煒文子才琦琦子子繁俱徙川  
朝韓 子才雲原名友雲字貞和貿易黔省  
普安州

朝聖 子才槐原名友槐貿易黔省普安州高坡宗

允拔 貿易黔省石任府龍泉縣  
允經 貿易黔省遵義府鎮安州

允達 貿易黔省遵義府鎮安州

